

AMANPHA KHA MANGTHANG DIINTE AWLMOHNA

Sutzopna...

By Nekkhothang

Pathian in poimohsa tuaktuak mahleh a poimoh chiatchiatte lak ah leng a poimoh zawdiak om ahihziakin, hotdam a om lel-
lelte khate kemtu diing in poimoh nasepna (office) tanmun ana koih hi. 'khenkhatte Sawltak hiding in, Khenkhatte Jawlnei
hi diing in, khenkhatte Tanchinhoih gen diing in, khenkhatte Pastor (Upa) hi diing in, khenkhatte Thuhilhtu (Teacher) hi diing
in a pia hi' (Eph 4:11; 1 Kor 12: 22). Hiaithute apan in member (Hotdam) hisa khate a manthat nawn khak diing uh Pathian in
poimoh ngaih mahmah ahihdan a langsak hi. Pathian in khate manpha asak bang a eite'n leng manpha I sak diing uh ahi. Huan,
khate manphat bikna nawn tuh hiai bang in I mu thei hi. "Napi pute uh piaksawn, na omdan uh bangmah hilou khawng a kipan,
thil sethei dangka leh dangka eng a tat na hikei ua, Belamnou gensiatbei leh nin banglou sisan bang a , Krist Sisanpha a tatna
hizaw uh" (1 Pet 1:18-19) achih ban ah KHATE manphat dan a theihchet luat ziak mah in, Jesu'n a sisan in hong lei/tan ngap hi
(Eph 5:25). Saptuamte (Khate) a it luat ziak in a sik un a kipe ngap hi (Eph 5: 25).

Saptuamte khate a sisan a honglei ahihdan I muthei
nawn hi (Nas 20:28). Huan, a mangthang mai ding KHATE a
hong it ziak a ahong kipumpiakna hiai bang in I mu nawn lai
uhi. "Amah tuh Pathian bang a om hinapi in, Pathian toh kikim
a om tuh thil khiaklah diing in a sep kei a , himahleh, amah tuh
a hong kihih awngthol a, sikha bang in a hong om a, mihing
bang a bawl in a hong om a; huchi in mihing mel ahon pu a,
hong kihih neuin, siding hial in leng thu bang a hon mang a,
ahi; Kros a sihna nangawn (Phil 2: 6-8)". Hiai apan I muhtheih
tuh Jesu Krist in khate manphatdan a theihchet mahmah ziak
in ahihna/thupina tengteng suah khia in leh khate tatna diing in
sihna mulkimhuaipen, kros tung ah a hinna hong pengap tang
hial hi. Bang ziak hi peuhmah diing in na ngaihtuah ua Unaute?
"KEI HON IT LUAT ZIAK HI"chih tuh a dawnna hoih leh
KIN pen ahi hi. Huchi ahihziakin Kumpi David in hiai bang in
ana dawng hi, "Katung a athilhihhoih tengteng ziak in, Toupa
kiang ah bang a hia ka piak thuk samding"(Sam 116:12) achih
bang in eite'n leng I chih theihchiat sam uh a deihhuai hi.

Krist in thu a honpiak bang in, khaman-
gthang diing pawlam mite lak ah I hihtheihdan tampite uh suah
a pan la chat ding in in kichial uhi. Himahleh, a bullam a I gen
taksa mah bang un, a poimoh chiatchiatte lak a leng a poimoh
zawdiak om I chihsa mah bang un, tulai a Tualsung Saptuam
chiat in I nelhsiah khaksek uh lah Pathian in poimoh a sak mah-
mah tuh Saptuamte khate kepbitna a nahi ahihdan I theih siam
chiat uh a deih huai hi. Hotdam hisa KHATE hotdam hinailoute
KHATE sang a awlmoh huai zaw ahih dan hiai bangin a na gen
hi."Himahleh, kuapeuh in a mah mite a ding a ngaihtuah sak
kei a, amah inkuante khol houh a ngaih tuah sak kei leh, ginna
tuh a zuausan a, gingloumi sang in a gilou zaw ahi"(1Tim 5:8)
ah ana chi hi. Hiai apan in ngaihtuah vengveng lehang- Tual-
sung Saptuam khat peuhpeuh, mahni Tualsung a kikepna ngei

ngaih zaw phot lou a pawlamte awlmoh lawdan a I omna in
Pathian hon deihna dan a Inkuan kem khalou zaw hilou diing I
diam chih a hon ngaih tuah sak hi.

Hiai i chihna in midangte awlmoh keini chihna hi pahl-
ou hi. Mi'n a ma innsung ngaihtuah fellou a, midang innsung a
va ngaihtuah zawk leh hoih ngeilou ahi bang ahi. Huaiziakin,
eimah Tualsung a hithei liaitan a Pathian deihna bang a kikep-
bit masak phot ngai/poimoh hi lou hiam I chihna ahi. Tualsung
khat Pathian deihna bang a (kivaihom thei dingte) a hong kivai
hawm/puak Chiang in- Upate leh Deacon ten Tualsung Spatuam
bittakin a na kem diing ua, Thunasem tuten pawlam lungmuang
takin a va awlmoh thei pan diing uhi. Hiaidan tuh Pathian in
Tualsung khat bubit taka a kivai puak theihna diing a agel leh
ngim dan ahi hi. Sadan ah leng mahni innsung ngaihtuah masa-
lou a midangte inkuan awlmoh a om Chiang in amau innsung a
dengdel sek hi.

Huaiziak in huchi bangte tuh Upate paunak (proverb)
in "INNGUA HAHLOU A, GAMGUA HAH" ana chisek uhi.
Hiai tuh a hoihlou lam genna a kizang kammal ahi hi. Huaimah
bang a, hotdam hisa khate kepding ngai poimoh lou a , polamte
awlmoh luatna tuh bible gen bang a "Sinapi a hing min pu" hih-
na hi khamoh lou ding hi. Awlmoh diing om chiatchiat lak ah
amasazaw diing om ahi I chih nopna ahi."Huchi in lemtan hun
I neih bang zelin mitengteng tung ah thilhoih hih ni, Ginna a
inkuan pihte laka omte tung ah hikholdiak hen" Gal 6:10 a ana
chih bang in. Huan, Jesun a nungzuite kiang ah hiai bangin a
na gen hi, "Abang abang hileh, khasiangthou natung ua a hong
tun Chiang in thil hihtheihna na nei diing uh huchi in, Jerusalem
khua khawng ah, Judia leh Samari gam khua teng ah, kolmong
pha in leng ka thutheihpihte na hi ding uh" (Nas 1:8) a chih in
gen nei mahmah ahihdan a hon musak hi.

Sutzop diing...

CONTACT ADDRESS

Church Of Christ, Delhi,
Rz-2008/25, House No, 13, S.F.
Tuglakabad Extension, New Delhi-110019
Phone No. : 9953968807
email: khriissuangphum@gmail.com

'KHRIS' SUANGPHUM, A WEEKLY BULLETIN FOR THE MEMBERS
OF THE CHURCH OF CHRIST, DELHI, ON THE FIRST DAY OF THE WEEK'

Enkaitu: Jamson Guite | Panpithu: Kham Minthang | Jangthang

BIBLE CLASS

Class	Teacher
Adult	: James, Thawngsiandong
Inter.	: Khamminthang
Primary	: Kimpi

TUNI BIAKKHAWMNA PROGRAMME

Thumna Hun-uk : Thangbiakmang
Lapitu : Thangliankhup
Thilpiak : Thangbiaklun
Theihgigena : Thangdouliau
Thuhilhtu : Khenpi
Thumna : Dongkhanlian

Last Sunday (24/02/2013)

Offerings = ₹ 10,932 /-

Toupa, Thilsiamtu leh Hondampa

(Sam 44:21-24)

Toupa'n, "Israel aw, hiai theigege inla; ka sila nahi chih theigege in, ka sila diing a kon bawlana hi a, ka hon mangngilh ngeikei diing hi.

Na khelhnate meipi bang in ka phiatmangta hi. Ka kiang ah hong kiik in; kei nang hon hondamtu ka hi" achi hi.

Nou vaante aw, kipaak in kikoukhiak un! lei mun thukte aw, kikoukhia un! Mual saangte leh gammaang a sing tengteng aw, kipaak in kikoukhia un. A mi Israelte hondam in, Toupa'n a thupina a sulangta hi.

"Kei Toupa, na hondampa ka hi a; Kei tuh nang hon siamtupa ka hi hi. Kei tuh Toupa, bangkim siamtu ka hi. Kei kia in vaante ka kaipalh a; lei ka siam lai in kuaman hon panpih kei hi.

THOUGHT OF THE WEEK

SA IN KHA' DEIHLOUH LAM A LUNGGULH A, HUAN KHA IN LENG SA DEIHLOUH LAM A LUNGGULH HI. HUCHI IN NA HIH UTTE UH NA HIH THEIHLOUHNA DIING UN, HIAITE A KIKALH TUAH UHI (GAL. 5:17).

THU TUAMTUAM

DAMLOU :

- Unaupa Thangbiaklun damlou sungkhoh in ana om a, office bang leng kaizoulou hial hi. Tunbel damsianta a, a sepana maban sunzom zou in office bang leng kainawnta hi. Damna hoihtak ahon neihtheih man in kipahhuai isa uhi.

-Tiffany Zenhoihsang d/o Ngaihulun leng hitang khosik ziak in damlou in ana om a, kal paita Toupani leng hong kikhom theilou uhi. Amah leng Pathian panpihna ziak in a hoihlam hita hi.

HONGZIN:

- Zan kiginni in unaupa Lian Jacob-te innkuan Lamka lam akipan in hongzin uhi. Unaunu Chingbiaklun in a zilna toh kisai a poimohna a neih ziak ua hong zin uh hi a, tukul sung vel in hon paikiksan nawnpah diing uhi.

BIAKNA PROGRAM:

-March kha a Toupani biakna program diing leh sintawpni biakna program diingte bawlzoh hinawnta a, kuapeuhmah in ngaihven a eimah copy diing kilak chiat diing in i kitheisak uhi. Huan i tante a hoihthei bang pen a buching sak diing in hanchiam ni.

KALNAWN BIAKKHAWMNA PROGRAMME

Thumna Hun-uk : Thangbiaklun
Lapitu : Thawnkhansang
Thilpiak : Lambiaksang
Theihgigena : Thangbiakmang
Thuhilhtu : Jamson
Thumna : Pauminthang

KIKNAWNTA :

- Tu kha bul a Lamka akipan a zilna toh kisai a poimoh khenkhat ziak a hong zin unaunu Melody Hoih in kal paita nilaini in Lamka lam zuan in honna paisan nawnta hi.

MEETING OM :

- Zan kiginni in unaupa Jangthang inn mun ah biakkhawmna patma in saptuam vai toh kisai a tutkhwamna poimohtak mai neih in om hi. Hiai hun ah thu poimoh tamtak banah saptuam sum dinmun etelna neih in om hi.

PROJECTOR LEI HITA:

Saptuam in Bible class a zat diing projector lei diing chi a thupukna omsa dungzui in zan kiginni in unaupa Thawngsiandong malakna in leikhit hita hi. Saptuam khutzat diing hoihtak lei ahihtak man in kipahhuai isa uh. .

USHER DIING:

Tuni a kipan a June kha bul tan usher nna hon sepsak diing in unaupa Samuel Thangdouliau leh Michael Thawnkhansang te muangtak a seh ahi uhi.

KIGINNI BIAKKHAWMNA PROGRAMME

A Mun : Khenpi inn.

Mayur Vihar.

A Hun - 6:30 pm

Hun-uk : Thonggin

Lapitu : John

Thuhilhtu : Lianminthang

Thumna : Jangthang

CHURCH OF CHRIST, NEW DELHI

Financial Report for the Month
of February, 2013.

1. Opening Bal.	89,697.32
2. Total Recv.	44,132.00
3. Grand Total	1,33829.32
4. Total Exp.	24,926.00
5. Closing Bal.	1,08,903.32